

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Quæstio feudi non competit Ecclesiæ, es Innocentio. Quit tamen cognitionem peccati ad se pertinere aut. Hæc sententia fora confundit, & in Gallia recepta non fuit.

urn:nbn:de:hbz:466:1-15591

trimonio, super quo plenam in temporalibus gerit potestatem, ut ejus verbis utar, sed etiam in aliis regionibus, certis causis inspectis, temporalem jurisdictionem casualiter exercere. Vnam autem e causa illis explicat, scilicet, ut si quid difficile & ambiguum emergerit in negotiis ecclesiasticis, aut civilibus, vel criminalibus, ad sedis apostolicae judicium sit recurrentum. Quod probat adducto Deuteronomij loco, quo decernitur res ambiguas de sanguine, lepra, & causa, id est, de quaestione criminali, civili, & de ritibus, solvendas in loco quem Dominus elegerit, à Sacerdotibus Leviticis generis, & à Iudice qui fuerit illo tempore, pœnâ capitis adjectâ adversus eum qui Sacerdotis imperio & decreto judicis non paruerit. Locum determinatum in Lege gratia esse Romanum, Sacerdotes Leviticis generis, Episcopos & Cardinales, Iudicem vero, Romanum Pontificem: cuius sententiam qui superbiens contempserit observare, mori precipitur, & auferri malum de Israël, id est, per excommunicationis sententiam, velut mortuus, à communione fidelium separari. Tria adnotanda sunt ad interpretationem hujus loci. Primum est, sententiam Innocentij non esse ut cuilibet è populo liberum sit de rebus ambiguis in negotiis temporalibus Romanum Pontificem consulere, qui deinde jus dicat, & litigatorum controversias dirimat. Hic enim agendi modus supremam Regum in judiciis reddendis auctoritatem everteret, quod à sua mente alienum esse tellatur ibidem Innocentius: *Non quod alieno juri prejudicare velimus, inquit, vel potestatem nobis indebitam usurpare; cum non ignoramus Christum in Evangelio respondisse, Redde que sunt Caesaris Cæsari, & qua sunt Dei Deo.* Propter quod postulatus ut hereditatem dividetur inter duos: *Quis, inquit, constituit me super vos judicem?* Sed jus illud sedi apostolicae vindicavit, si à Principibus ipsis de re ambigua & difficili consuleretur, aut ejus auctoritas imploraretur: quemadmodum acciderat in causa Regis Philippi, qui natalium restitutionem pro liberis ab Innocentio experiverat. *Rationibus his induciti, Regi gratiam fecimus requisihi, causam tam ex veteri quam ex novo testamento trahentes.* Deinde Deuteronomij loco recitato, in ejus interpretationem excurrit suo proposito congruentem, ut doceat nec alienum esse ab auctoritate Regum, quod in his rerum articulis Romanum Pontificem adeant, nec à dignitate sedis apostolicae, si ad hæc secularia tractanda se demittat, cum Paulus scripsit ad Corinthios: *Nescitis quia angelos judicabimus, quanto magis secularia? qui est locus alter quem adducit Innocentius ad*

sententia suæ confirmationem. Alterum quod adnotandum mihi videtur, hoc est, Deuteronomij locum intelligi de magistris in inferioribus & collegiis Iudicis, qui ad portas urbium lites populi Iudaici discepabant; eo tamen judiciorum ordine, ut si reus omnium suffragii premeretur, appellandi locus non esset, sin judicis vota in variis sententiis scinderentur, non propter facti probationem, sed propter juris & legum interpretationem, atque adeo constaret rem controversam censeri ambiguam & difficultem, ad magni Synedrij judicium referebant, ut docet Maimonides, quod quidem Synedrium conflatum erat à Sacerdotibus & laicis, adjuncto Reipublicæ Iudice, quem deinde Reges exceperunt, ut abunde dicam cap. iv. & v. An vero hinc possit duci argumentum ad consultationem, quæ in rebus temporalibus, cum negotia difficultate laborant, à Principibus, si res ita ferat, ad sedem apostolicam deferri possit, lectoris prudentiae relinquo. Tertium est, Iuris Canonici Interpretes in hoc Innocentij loco interpretando duplickey pœccasse; tum quod omnibus litigatoribus liberum reliquerunt res ambiguas à judicio seculari ad ecclesiasticum transferre; quod uno casu, id est, Principibus id agentibus, ab Innocentio scriptum erat, ad omnes personas contra sinceram auctoris sententiam porrigitur; tum quod sibi persuaserint, si quid difficile & ambiguum in controversiis & litibus rerum humanarum accideret, id à judicibus ecclesiasticis, non autem à sola sede apostolica dirimi debere. Quod tamen à magistris in Gallia nunquam receptum fuit, ut conquerebatur Durandus Mimatensis Episcopus ante trecentos & triginta annos: *Item impediunt, si quid ambiguum inter judices seculares oriatur, ne ad ecclesiasticos judices recuratur, contra illud, Qui filii sunt legit. Per Venerabilem. §. Licet.*

Durand. de modo
Cone. Genet. cap.
lebr. Tit. 70.

Cap. Novis. de
Iudiciis.

V. Constitutâ sententiâ Decretalis *Per venerabilem*, quæ supremum Regis in Gallias imperium agnoscit, & ab ejus communiione sedem apostolicam removet; observanda est eadem mens Innocentij in altera ejus epistola ad Regem Philippum, qua docet ad Regem pertinere feudi judicium, non autem ad sedem apostolicam; sequente nolle jurisdictionem aut potestatem Regis minuere, vel perturbare, quod etiam superiore decretali protestatus est. Agebatur de induciis vel pace inter Francorum & Anglia Reges componenda, quod sui arbitrij esse Pontifex existimabat. Rex enim Anglia copiis Francorum oppressus, à sede aposto-

H iiij

lica subsidium ecclesiasticum petivit; probare paratus injuste secum agi à Rege Francorum, quem juxta regulam Evangelij monuerit, & renitentem suis postulationibus ad Ecclesiam detulerit. Vnde concludit Innocentius, sc̄, qui regimini universalis Ecclesiae pr̄s̄it, interpellatum ab Anglo, divino praecepto urgeri ut juxta formam ipsius procedat, id est, ethnicum & publicanum denuntier Francorum Regem, nisi jus suum apud ipsum Pontificem vel illius Legatum comprobaverit. Ersi enim de feudo, quod Rex Angliae à Rege Francorum obtinebat, judicium ferre nolit, de peccato tamen discernere, illudque in cuiuscunq; gradus persona censuris ulcisci, ad sedem apostolicam pertinere contendit. Prima fronte Regum jura hac Decretali foveri videntur, sed ut integrum beneficium illi non debeamus, facit exceptio adhibita. Qua profecto ejus generis est, ut admissa semel in iudiciis, omnia fora confundat; quemadmodum monuit Navarrus in commentariis ad hunc locum. Quare à Gallis nostris nunquam suscepta fuit, non solum in specie de qua tunc agebatur, (ut dicetur libro iv.) sed nec in ceteris caussis, teste locupletissimo Durando Mimarensi, his verbis: *Item impediunt (scilicet judices seculares) quando Ecclesia vult cogere aliquem ad satisfaciendum de peccato in quo est, licet cognitio pertineat ad Ecclesiam. Novit, primo responso.*

Navarrus in d. cap. Novit. v. Non sententiam in d. c.

Durandus d. t.
70.

Güll. Ockam I.
4. c. 8. & in fine
Dialogi t. Parte.
Ioann. Gerlon
Lett. 4. in vita sp̄lio.

VII. Theologorum illa aetate celebrissimum Ioannis de Parisiis & Guillelmi Ockam, quibus postea accessit Gerlon, opinionem sequebantur, qui crima distinguebant in ecclesiastica & secularia. Illa in admissis directe contra fidem & sacramenta constituebant, hac in iis quæ jure gentium aut civili sunt verita. Criminum ecclesiastorum coercitionem per censuras Episcopis competere, sed in secularibus, distinguendum esse dicebant. Aut enim de jure agitur, & de peccato *opinionis vel erroris*, ut ipsi loquuntur, id est, si quis sibi persuadeat id quod committitur circa secularia non esse peccatum, verbi gratia, furtum vel homicidium; vel agitur de facto, id est, de peccato quod ipsi vocant *vendicationis*, id est, cum quis de facto res alienas sibi vendicat, vel aliud crimen seculare perpetrat. Itaque fatentur penes Ecclesiam ex Christi institutione potestatem esse cognoscendi de peccato *erroris*, & definiendi an hoc vel illud factum criminis deputari debeat, eosque qui huic definitioni refragentur, p̄cens ecclesiasticis castigandi. Ceterum de peccatis secularibus, quæ vocant *vendicationis*, iudicia vel censuras ferre, non spectare ad juris

dictionem ecclesiasticam. Et ita, inquit Joannes Parisiensis, *de peccato in temporalibus non iudicat vel cognoscit iudex ecclesiasticus, sed secularis tantum; nisi forte aliunde quam a Christo concessum ei fuerit, vel permisum.* In his ergo criminibus potestas ecclesiastica, monita tantum & consilia adhibere potest, non autem laicos peccantes coercere p̄cens; Innuere quid sequendum sit, & vitandum, non castigare, vel ut ipsi loquuntur, judicare de peccato *innuitivè*, non *coercivè*. Itaque sententiam Innocentij locum habere, cum domini seculares a sceleris vindicta per summam negligentiam cessant; aut in crimen occulto, in quod iudex secularis animadvertere non potest. Hæc Theologorum Parisiensium sententia, jam à trecentis & quadraginta annis in forum invecta, etiam hodie apud tribunalia magistratum viget. Quidam & ad crimina mixta porrecta fuit, scilicet ad adulterium, quod legem naturæ & matrimonij sacramentum violat, adeo ut in laicos adulterij reos animadvertere Episcopis vetitum fuerit; ni desisterent, p̄cens indicata captionis temporalitatis, ut patet ex Curia Parisiensis Arrestis latiss anno MCCCXXXVI. & MCCCXXC. De hac quæstione, in qua plurimi laborarunt, ex professo differant in exercitatione de iudiciis canonicis in laicos, ubi eorum originem, progressum, & immutationem quæ hodie vigeret, & mutandi caussas expendam. Hic tantum dicam in antecessum, olim censuris, cum maximè vigerent, locum non fuisse, nisi in certis quibusdam criminibus manifestis, de quibus dubitari non posset an inter crima recenseri deberent, ea lege, ut emendatio ecclesiastica nihil de seculari jurisdictione demeret. Itaque Christiani criminum omnium vindictam apud judices publicos persequebantur; de contractibus, etiam injustis, nullo prætextu lis instituebatur apud Episcopos, in consequentiā juris evangelici; quia color ille conventionis inita, dubiam reddebat peccati accusacionem. Quare si quando lites fidelium dirimerent Episcopi, à lege harum disceptationum arbitri dat, non censuris ecclesiasticis adjudicatum exequendum viatos adiebant, sed officio & apparitione judicium, juxta legem Constantini. Parum abest quin solo rationis ductu ad veram solutionem pervenerit auctor anonymous, cui sola defuit cognitio antiquæ disciplinæ, ne rem ipsam omnino assequeretur. Hæc sunt ejus verba: Miles. Ego ostendam vobis secundum Paulum, ubi vestra cognitio debet incipere. Principes suo iure de justo & injusto cognoscunt, & eis debeturo obedientia, sicut præcipitur Deuter. 17. & eorum

Ivan. Paris. de Peccato in temporalibus non iudicat vel cognoscit iudex ecclesiasticus, sed secularis tantum; nisi forte aliunde quam a Christo concessum ei fuerit, vel permisum.

Vide secundum Praefationem Mat. cx. f. 2.
Vide Altimus de porcell. eccl. & iuris q. 1. c. 10. &
q. 3. f. 2. qd
utramque sententiam probabili
parat.

T. 1. Liber. ap.
36. N. 7. 1.

C. P. F. 1. 1. 1.

C. Miles d.

Vide Relyfor
dem Marci ad
Nicas Hollenii.

Autor dispeccio-
nis Cleric. & Mi-
les. anno 1502.